

沈乃文 主編

明別集叢刊
第一輯

第十三冊


黃山書社

沈乃文 主編

明別集叢刊 第一輯

第十三冊

黃山書社



(明) 易恒 撰

陶情藁六卷

清抄本

影寫明初刻本

此書別世傳本原為士元居
西房秘冊癸巳夏白之屬
而於影寫此帖能之以備
遠矣方有此書亦不意
易久成陶情集

金

陶情詩集序

河南程夫子嘗云古詩三百篇皆古人之歌曲所以
有被之絃歌而奏之郊廟房中賓筵者矣然其可奏
者必聲之純正而和平者也是以詩之作既本乎性
情復發乎理義故能動天地感鬼神成夫婦樂賓友
合君臣無施不可由其心一以正而氣能相孚自有
不期其然而自不若然者夫豈徒以四聲協之音韻
使合節奏哉後世氣變風移漸拘制作制作愈更而
意度愈下詩不古若亦已久焉雖然作者之意亦必
各有所陳至於風賦比興雅頌則凡有一作而六義
舉無不備賦者恒多而比興次之有足以動人者莫
不謂之風稱道才美著揚功德孰不謂之頌詞不迫
切而義存典則又可謂之雅乎是則一詩之作而
六義燦然成乎其門詩不古若者時使之然也漢不
反古賡歌魏晉不及漢六朝而後綺靡淫哇性情浮
蕩而理義微矣至唐而作者相繼理氣漸平而意趣
有餘不惟閑氣運之盛衰抑其目性情之發而見之
言者未有不有不自鳴其幸不幸者也杜子美兼有眾長
一時之軌孰與並馳而平生得失之機獨於鄭虔醉
時歌吐出肺腑有云但覺高歌有鬼神焉知餓死填
溝壑當時此言不思而得實神之先啓歟厥後來陽
酒炙之隄蓋掩於此王維之溫潤則富貴終身雖袖
弗袖李太白之清才逸氣溢出埃壒世固有號稱謫
仙人者李長吉自童稚好作鬼語竟隨沉魄孟東野

苦澁窮吟嗽。終日至欲血。脂小有得意。則長安看花一日殆盡。所謂得之甚難。而不能致安於久遠。槩可悲夫。今觀天台葉先生仲沆。所示姑蘇易久成先生諸詩。繕寫在帙者。盈數百篇。囑予為之審取。而序評焉。是用欣然把玩。吟繹累日。誠可謂不苟於作者耳。非其感於外者。不驚掉於物。何其動諸中者。不乖刺於詞耶。笑不露齒。善咲者也。怒不暴氣。善怒者也。況詩之云乎。怨激而不懟者。情常婉婉。樂至而不褻者。志常抑抑。以之成詩。謂之治世之音。誰曰不可。久成之長。沖澁短句。蘄絕五言。七言。唐律。聯偶。齊整。視昔之人。句字參差。上下兩截。各自為好者。義雖無妨。入律則未為當。以此較彼。久成為得。雋不小。而今而後。

陶情序

予知久成將騁闊步。追先古作。有不難已。側聞久成年逾八十。有四而能吟咏。太平娛樂。晚節由其心氣和平。吐詞能善。而克致其應。彼夫賀窮。郊視有不及。予素昧久成。而妄竊議如是。誠不欲虛仲沆之囑。亦欲久成謂予有識也。吁。識其詩。未識其人。君子謂為知言乎。謂為知人乎。姑書之。尚竢評者是為序。永樂三年歲次乙酉冬十月又一月陽生節日吳興莫士安書

陶情葉卷之一

四言詩

贈符寶郎傑侯使高麗還

朝詩

皇帝即位之二年春正月

帝謂廷臣曰。方今海內咸服。維高麗未賓。可遣使柔

之時。在列咸以符寶郎臣傑斯為宜

帝俞而命之。斯受

命。即航海由耽羅。以至其國。宣

上德意。自其王顯以下。皆拜手舞蹈。欽若

帝命。稱臣奉

馬一

表遣其尚書尚載。從符寶以方物入

貢。秋七月還

京。過崑山。凡大夫士志賦詩。美之。邑人易恒敬述四

言詩一首。辭雖不足。於古意則頌聲之遺緒也。詩

曰

皇帝即位建元洪武粵二年春

天子當寧曰承

休命。奄有土宇。極端際倪。莫不臣附。東夷有邦。維高

句麗。箕子始封。朝鮮肇基。流風是漸。厥俗易夷。毋

以干戈。仁義懷之。疇若于采。百辟是咨。大臣曰都

帝心念茲。臣有符寶。高昌傑斯致我

帝命。維斯是宜

姑蘇易恒 久成



皇帝曰俞斯其受命曆數在躬四方無競句麗是賓厥位共靖斯拜稽首

天子聖神溥博配

天系彼遠人臣敢或憚以恤其身斯拜稽首東浮于海

天祚皇帝無有風颶馮夷海若出沒茫昧蛟龍龜鼉騰沓

滂湃馴：園：罔敢滯礙維

天子使耽羅戾止遄臻其國其國御只致

天子命喻以道理並夷歸夏舊深一洒

天子一德無間遐邇燕趙秦晉越宋吳楚九夷八蠻

拒殄降撫

天子孔仁

天子孔武王其祇承永保爾祚王乃拜手

帝德罔極日月照臨及我遐域爰處爰居蒙

帝之力我有醪醴羊牛豕馬叶載酌戴烹以享使者

叶將：其鍾坎：其鼓臣工百姓莫不蹈舞王恭拜

表

皇帝陛下叶億歲斯載為

帝之輔命其尚書尚載來賓方物畢

貢誠款是陳旌旄旒旗夾：續：徒御車馬雍：遂

遂旋歸于

京敷

奏于

庭外夷咸若率土攸寧匪

天之力曷休其微微

帝之德曷致其誠

天子萬壽邦家之禎猗嗟符寶使于四方厥敷茂矣

邦家之光我

君聖明有臣孔良於萬斯年邦家之慶叶

琴操

嬾牧操二解

為漢陽李實卿而作也李號嬾牧託古琴

操以繹其思焉

碩人考槃兮大別有寓爾羊爾牛兮于山之阿弗麾

三

以肱兮牧其維何我將無營兮我心靡他俾之孔庶

兮實天之和

其一

朝漢之陽兮暮漢之陰以遨以遊兮聊樂我心羈鼎

孔棘兮匪牧所任載歌白石兮誰其審音又焉求兮

華山與桃林

其二

銘詩

九節簫銘

猗君子通而潔有潛厥聲疇爾越鳳之來兮合其節

紙廉銘

勁體柔膚時乎卷舒出焉入焉顧此廉隅

斑藤杖銘

載玄載黃金玉其相婉彼君子直道是將胡為乎羊賜

桃竹杖銘

密節勁體玉質犀理遵道而行維君子是倚杖兮杖芳吾衰也矣

李節婦

厥俗靡義是履孝婦令女事有矣陳子作傳遲良史海枯石爛婦不死于嗟乎節婦李

古詩

古詩四首

氣至草木蕃時改容色暮悠々閱昏旦沉々抱冲素

采蘭不滿掬披榛動盈路孤鳳久殺翮志士恒窮步柔條暢晨風卷葉泣朝露覽物隨所適怡情自無固

寄言同袍生及此當早悟二離耀圓象萬類涵方儀寒暑更代謝榮瘁恒遷推清濁各有賦妍醜固難齊蓋世功矯々抱布岷虫々

朝為草上露暮結空中澗俱為百年塵寧免千載泥朝發滄海壘暮投白石岡虛室延閣賞群賢息紛麗素月亦散彩華星儼成行悠々發清倡飄々欲遐翔乃識靜中趣超絕無為鄉

六龍馭羲和萬類蒙其光夕景翳若木朝暉曜扶桑有臨悉洪纖所照無否戚誰云窮陰雪千載無春陽上天豈漏頗氣勢各有方願言保貞素無為苦悲傷

贈宗兄縣令之江浙都事有序

余嘗誦陶靖節贈族祖長沙公詩曰同源分流人易世踈慨然寤嘆念茲厥初未嘗不掩卷而嘆也今令尹兄於余同為長沙易氏宋尚書山齋文昌公之族支流寢遠已為路人回過華亭克敘宗好會其尋有省幕之命遇事興感悵然于中何則人異事同感今懷昔也詩不云乎豈無它人不如我同姓臨別賦詩以識其情乙巳六月初吉

霖潦積穹壤夏掩朱明沉鬱抱離思念子當遐征矯首望吳會旌旗翳曾城肅々掖垣闕沉々郎署清謝茲囂訟繁荷彼鴛鴦繫駕言勿夷猶于以遵國程

古詩

五

祖席徹方醴鵬絃厲清聲浮雲西北馳逝水東南傾我歌送子別歌長淚縱橫丈夫離別間豈為兒女情所念在厥初交流各分更竭來已永久何異絮與萍託身雖云殊本是同根生自非良燕會焉知為弟兄斯道苟淪沒末世安所徵子抱上國姿我事南山畊願言藉匡濟及此時再平歌詠陶公詩愛敘長沙盟

贈崑山知州侯調知嘉定

江水風不定詎得使君留歌謠聞五袴悲驩者兩州淖生忽見月帆過不驚鷗祖席一分袂踟躕望滄洲

樵海篇為秦先生文仲賦

有樵何好奇不與衆樵侶樵海不樵山樵也安所取東有扶桑根西有若木枝生長雨露外不受斤斧欺

誰能超溟滓採為薪與蒸實彼洪鑪中陶鑄品物形
滄溟渺無際詎云不可超有時變桑田幾見埃塵漂
朝過龍女宅暮宿鮫人館珊瑚間珠樹露下光纂纂
天吾與海若睥睨不敢惜過之樵不顧何異爨下櫟
透蛇度弱水彷彿蓬萊宮至今採藥者猶是秦兒童
相將邀我去縹緲白雲際空青石上生瑤花襍如蜀
挹我紫霞漿侑以蒼麟脯問我人間世如今幾今古
今古樵不言浩歌凌紫烟笑指斧柯爛柯爛知何年
歸來問茆屋只在東海隅鑿火煮白石高臥峨嵋書
採樵不狂新煮石不療飢閉戶喚不起不恠傍人嗤
却笑朱買臣老作會稽守辛勤取富貴如今竟何有
君為樵海人我歌樵海篇歌竟海月出鶴語風泠然

題王子正水月清華亭

六

開軒瞰虛碧掃席延清暉波漂光暫注池合影還歸
微吟動遐想燕坐息塵機玲瓏水晶箔露涼侵紵衣

題顧伯庸耕讀齋

東陌雨新足西郊涼未深戮力事畎畝勿使稂莠侵
桑榆五畝宅義皇千載心晨風下場圃夕月照書林
誰謂陶公咏復此有遺音

題林塘幽

群居厭流俗卜此林塘幽軒窓納爽氣類沐俯清流
梧桐畫生窳菱苕露未收樂有琴與書時哉復何求
追和唐張祐益郊題昆山惠聚寺詩二首
入山倦幽討脫屣坐雲牀流泉近無蹤幽花遠逾香

春陰玉掩氣龍去珠祕光嗟哉劫火後蕭蕭空鹿場
登山望瀛海日月相吞吐吞神遊造化表坐見天地根
霞明水上樹烟動江南村興闌下山麓月掛青蘿門

題畫

放舟石樹陰野水蕩秋碧群山晚伍昂翠色攬可食
涼風吹釣絲漁歌起空窸企彼鷓鴣子吾將訪遺迹

夜坐

微日出東城風霾斂餘色方牀擁衾坐氣氤霜霰逼
境靜慮自銷神清體俱適對此將何言踈櫺暎虛白

松月高士鼓琴圖

松月出未高寒霏散空暝弄絃睇歸鶴依微見山影
泉聲何處來冷々夜方永

題昆山李氏漱芳閣

雅構逼闌闌而無流俗情汲井玉泉冷開窓蘭雪明
韞真屏鹿穢含英抱芳馨冲襟愜幽賞華池有餘清
青蓮如可招更採崑山瓊

題沈氏佳聲樓

東林有層構闌檻何岩崑下俯竹素園上遡羲皇朝
載道六籍尊紀事群史招熠耀露中下吾伊天上飄
微吟欲窺奧雅歌亦諧韶音哇然竹繁習薄紈綺驕
縑細脉望化芸窓香霧消寄言同袍生時來一消搖

夕聞草堂磬

夕聞草堂磬窅窅出西林江應虛還響風迴省復沉
僧空定中景人間物外心坐久夜寐笙鶴空遺音

錢孝女 謝子蘭先生有傳

農女性純一萬孝守天經母疾數危殆倉黃迫中情
引刀刃其股入厨作栝羹一啜母過起巫醫空有靈
孰謂虧孝道天胡鑒其誠君子處顛沛事當論重輕
服創有時復母死終莫生所以古先哲往來多見稱
令女既有傳孝門亦有銘謝公苟無述太史將安徵
問之誰家女氏錢里毘陵

題故高彥舉綠淨軒 上海趙屯人

綠淨不可唾幽深誰與鄰風來蕉約扇花落草成裊
陰苔棲密甃晨雨滛芳塵怡神愜清賞覽景憎餘春
過欣還抱戚感舊復悲新題詩寫芳躅空憶軒中人

題水竹居

幽居厭流俗水竹何清脩光合池初定陰滋露不收
瓊簫下鳴鳳清與狎盟鷗誰能招二仲來此一遲留

題昆山王氏桐月軒

月出軒更幽照我青瑤林流光淹夕景疏碧散秋陰
朝陽豈無鳳夜坐空有吟之人金閨秀斯桐清廟音
賞靜愜真境覽芳怡素心何當候鳬舄遲予玉山岑

為張氏賦陶菴

茫々堪輿中大化無停鈞一息靡有間萬類歸陶甄
在子事搏埴寧敢恤其身胚胎孕矩範琢削喪其真
幸茲器無寐庶見造化仁日入衆工息月出照城闔
驅牛入桑逕矯首望河濱蒼廬俯江滢荏苒徂冬春
在涅貴不淄蟻屈終見伸陶然且一醉明當候鷄晨

竹窓夜坐

筠館夜深寐澹然忘世情笙竽斷遙響風月有餘清
露澤低還鮮烟禽暝復驚微吟聊自適寤寐乃吾生

題蓬屋

金谷久寂寞鄒郎亦丘墟爰有蓬室士被褐嘗晏如
朝光發戶牖夕景返桑榆編蓬感時邁羹藜味道腴
靜退保終惠閒居樂遂初豈無凌士變重來一起予
為廬長嬰賦拙齋詩

太樸日已散巧偽日已滋舉世事瑠瑠樸素何時歸
羨王抱貞素琢喪良可悲嗟我智力盡伎巧將安施
所以巧若拙道言豈吾欺鹿城有佳士被褐類無為
讀書三十載一拙恒自持呼兒具杯杓邀我賦拙詩

馬一

九

我亦抱甕人日日灌蔬畦機心素已息庶可同襟期
剪彼園中韭酌彼花下卮共醉北窗下夢到羲皇時

五言絕句

題畫扇寄友

我思一高人扁舟寄何處秋風吹釣絲明月照江樹

題畫扇

遠林何迢々高情寄雲壑泉聲枯際來山影月中落

題小景山水

亭空湖水清石古元氣積不見山中人長吟望秋壁

藍閨圖

天闕封書上藍閨足馬寒一時身被斥千載道能刊
題柳燕

雨立驚衣重風棲怪柳顛
題 齧 鯽 貓
歸來尋舊壘飛過落花前

食魚不食鼠主人應莫嗔
頭 白
那知物化裏碩鼠是前身

頭自何年白月從今夜明
金井仕女
搔頭對明月揔是故園情

汲井金甌重君王酒渴時
玉階霜露滑只恐進來遲

陶情藁卷之一

馬一

十

陶情藁卷之二

姑蘇易恒 久成

五言律詩

奉和寄亭翁山居詩

幽軒如鶴巢當戶拂雲梢
谷響足音禽劍鳴神氣交
開渠通側溜種樹接平郊
謾草間居賦何心為解嘲

題蒼玉軒

幽軒俯蒼玉秀色動關干
碧海青霞濕瓊林翠雨寒
佩遺江上女簫下月中鸞
便欲乘秋興敲門許借看

送曹縣尹之

京過其壻崔尚書宅

始識曹明府相看髮已蒼
幾時過白下底用覓滄浪

馬二

甥館照冰玉

神京儀鳳凰且携綠玉杖
佳麗足倘佯

次夏林正雨中見寄韵二首時禁酒癸卯

雨積江流白陰藏海樹昏
庭花銷晚色屋雀闕朝喧
稍喜逢迎少曾無簿領繁
出門知灤滑愁絕浣花村
久憐茲地僻寂寞勝山居
水鳥當窓淨桐花落瓦疎
喪刑觀酒話學稼著農書
已熟野人趣年來得自如

晚泊楊子江口述懷

落日雲山外孤舟野寺陰
招魂悲楚些歌榜起吳音
風色洲前定江痕雪後深
頻呼秣陵酒聊慰白頭吟

過隨山洪

隨山青未了故三總歸舟
沙淺江疑斷潮平石訝浮

寧甘成漫浪不必問淹留無乃身多累漂：愧白鷗

泊龍潭竹篠

龍潭龍作窟竹篠竹為林水氣生朝霧春愁結暮陰
江山猶太古景物有如今來往風波際淒涼一越吟

舟中晚酌

春雲輕侶練春水淨於藍洗盞休驚鳥看山莫挂帆
斷霞明晚樹空翠落晴嶺如此尊前興飄零也不凡

舟中懷陳季子

豫章人

念子同鄉里交遊孰與齊幾年滄海上何日大江西
老雁凌風急春雲拂樹低題詩尉離索歸思兩淒迷

過郭璞墓

人傳郭璞墓千古在中流江漲還留石山迴不得舟

泉臺鮫泣館華表蜃嘘樓幾度烟波外蛾眉結暮愁

汲江心水

自汲江心水呼童莫謾傾不煩京口使那怪石頭城
仙掌春前試龍頭月下烹誰能招陸羽來此共論盟

紅蜻蜓

盈：度水嬌飛處色偏饒虫葉經霜下霞綃落剪飄
露荷樓未定風菱立仍搖莫怪兒童喜殷勤為尔招

藏齋偶成三首

誰識藏齋趣悠然一榻空世情非物外春意自壺中
紙帳留梅雪筠窓轉蕙風老來便習靜此興與誰同
靜室生虛白驚音寂不聞茶烹一甌雪竹掃半窓雲
袂冷知春淺鳥啼覺夜分幽蘭殊尉意時亦度清芬

元：齋居久凌晨散策初晴光渾未定物理竟何如
苔壁留蠅篆蒲汀積鳥書春來行樂意多向雨中踈

謾成

清旦雨新足開窗梳白頭日高消竹暝風急動花愁
薄夢無馮絮浮生不繫舟幸存詩興在亦復尉淹留

舟中晚成

驚鴻去復鳴別客最關情離思隨帆影勞歌相櫓聲
風花迷鳥白霜柳挿江清投老知何向漂：愧此生

送崇明僧文綺洲遊天界

海色動春淖沙明雪半消度江龍鉢穩踏月鳳城遙
法樂鳴天界禪心在石橋五雲天只尺金刹湧岩峩

哭陳季子二首

季子任濟南僉憲病卒

豫章陳季子與我最情親一去濟南郡三經海上春
書來應未遠計至恐非真老病空齋裏終宵滴泪頻
憶尔情何切交游二十年看花春共醉聽雨夕同眠
旅櫬知何地遺文在幾編有家歸未得道里隔三千

樓居漫成四首

樓前雨新霽風光入眼頻花飛鷺樹窺雲去見山真
雙鬟有餘雪百年無定身誰能招太白同賦惜餘春
開窗納初旭岸幘對曾蠻晴華光堪摘朝霞氣可餐
道存貧自適用拙老方安屏跡三春過省：一倚闌
幽居愛深窹若遇客來稀小草留生意凡虫識化機
雲情初未定物理竟何違自得閑中趣寧憂生事微

元：坐清畫堂衣出戶庭花忙蜂釀蜜絮嫩雨生萍
濁酒陶真境白鷗尋舊盟相知二三友時得尉幽情

挽殷孝伯其弟往咸陽昇其柩歸葬妻上

已矣殷文懿由來德業優士評先月旦書法老春秋
醇酒心俱醉明珠賈莫酬脩文從地下空憶舊風波
慨彼斯人已天胡不假年還鄉惟旅櫬載道有遺編
雲斷千山外天低一雁前難足有難弟太英得歸全

次王交恒先生懷友韻十首

汝易勤著述聞說又移居閉戶脩山志開軒寫韻書
跡踈苔徑履酒間雨窓蔬故舊凋零盡都成一夢如

右袁子英脩昆山志及韻書

近謝苦溪寺歸來問舊居那知一見面遠勝數脩書

馬二

薄：故人酒蕭：荒園蔬世情今日異江月自如： 四

右僧富道淵號江月

采芝過南澗愛此白雲居榻下梅邊屋經繡葉上書
茶烟栖迳竹花雨襲盤蔬世事雲千變絮絮只自如

右僧集南澗

松南有別業蕭洒勝山居蘆菴香林寺楞伽古佛書
門徒共伏臘堅子課旗蘇何處成真隱浮生等幻如

右僧詢無言

元方湖海士賣藥傲塵居痴絕唯耽畫踈慵不寄書
林烏驚月樹屋雪透冰蔬憶弟看雲卧淒涼杜子如

右陳公望

多尔廣陵客村心又卜居杜陵愁有賦張旭醉能書

野老邀新社鄰童饋晚蔬阿戎熟吳語人事故鄉如

右王友恒

與子同門友睽離久索居干戈春辟地燈火夜觀書
不厭魚蝦侶寧辭笋蕨蔬白頭老兄弟空憶少年如

右馬公振

季也何清慎安貧久索居求田將辟地教子只收書
童稚留園叟盤餐襍水蔬通家已三世知子莫吾如

右朱李寧

睢州欣有子曾向鹿城居詩俊皆新語家貧尚舊書
入饌有魚鱸留人惟草蔬一門稱孝友薄俗竟何如

右盧次農

城南呂處士水木遶幽居藥畧寧辭篋螢囊尚照書

馬二

愛兒間禮數好客慣有蔬自得貧中樂長年只裕如

右召克明

青門有佳士每愛水雲居大藥應難售長裙或可書
杏租酬歲計鮭菜當園蔬來往扁舟裏悠：常晏如

右邵濟民

再次韻泗園述懷六首

我家泗園裏長憶野人居忍詠歸田賦愁看種樹書
一尊陶令酒三韭庾郎蔬澹泊寧無趣婆娑任所如
茅屋可憐小充然似廣居負喧聽稗史趣日寫農書
鄰姬分茶碗山妻問酒蔬老農惟食力慚愧不吾如
服食豈無補誰如陶隱居能修辟穀法底用養生書
辛苦蜂房蜜縱橫鼠壤蔬靜中觀物理世事任紛如

老去慚無補衡門足可居且償詩酒債空積子孫書
裏樹憐霜橘開渠利雨蔬畦下不著意噴尔亦其如
地僻少行跡真如世外居采留還解語科斗自成書
小摘迎春韭深挑撥雪蔬幽情聊自適軒冕定何如
余生甘寂寞胡寧歎索居每因風雨夕愁檢友朋書
菰米聊堪餽夢青庶可蔬頭顱不勝柳漸逼老僧如

雨中遣興七首

曙色凝霞薄春陰接野平烟絲芳草意風蕩落花情
欲澹悲歡少身貧去就輕傍人那解此寂寞乃吾生
每聽登音喜寧無客款門跳魚驚水響卧柳沒苔痕
節操有新火泥深無近村幽人不可見誰與倒芳尊
微吟神自適豈為歎淹留江暗元非暮花飛捲是秋

馬二

九

茶香醒老夢酒醉失新愁何術輕凡骨徒勞望十洲
雲昏長帶雨樹白尚棲烟風處花誰遣蚤時柳亦眠
年華徒自惜物色每相牽骀駘後人棄婆娑只自憐
幽居江水陰孤館晝沉：舊雨連今雨長吟復短吟
舞雩嗟寂寞修禊感登臨造次流光薄空懷千載心
應接非吾事年來氣轉衰小冠簪欲落短褐著偏宜
逐滑疑筇瘦苔深怪屐遲兒童解趨奉終得尔扶持
風光渾未洽客思欲如何感慨餘春賦淒涼子夜歌
蠹深遭啄木魚急避淘河無累惟鷗鳥漂：信逝波

期詢海草訪友

相期過南澗共聽醉琴鳴連日愁春雨今朝趁午情
漚隨流水去舡送落花行我輩成疎懶恐寒江海盟

送郁心遠祭故人回鳳陽

古道令人有如斯不易逢客程吳楚裏交義死生中
烟草迷水岸霜林落水風題詩酬遠意離思逐孤鴻
謝余煉師惠栖玄紙

每愛栖玄紙仙翁幸見分溪藤春洗玉水碓夜盡雲
蜀蘭聊堪並川麻未足云羊欣如得此應不被書裙

寄陳訓科攝太倉征稅

冷官厭趨走征稅過婁東謾卜鰲魚信空占舶艣風
貧方知累少忙不廢詩工鄭老襟期在漂零江海同

贈前人攝寧海驛

攝官之水驛津吏曉傳呼島嶼通瑤海關防辨錦符
星槎迎使客霞酒勸麻姑能事知多暇還臨筆陣圖

馬二

一

次沈生江村十詠韻

五月江村靜桑榆遶故廬幽居懷五柳美饌致雙魚
為覓南隣伴還招東海鉅休文情更好時得寄來書
綠樹緣江曲春陰木放妍壁蝸初學篆野繭不成綿
露坐風邊石風眠柳下船老漁無嗜好長是酒為年
地遠逢迎少移床就竹涼琴尊沾玉露風月下銀塘
橘叟猶龍怪棋童比鶴長喜無軒冕貴貴閒處得倘伴
一往漁樵外孤亭水樹間池春芳草合庭午落花閒
僧為徵詩至見因賞酒還卷簾看野色微日下柴關
萬漿誰家女休驚並渚鷗欲尋桃葉渡光過杏花村
澤國鮭為菜農家樹作門此鄉塵事絕何必問桃源
名園知擇勝長是課畦丁理菊衣沾露分泉沼帶星

尋盟甫里宅，吊古錦帆經。載畫扁舟裏，春來處。經
 幽居如世外，莫遣俗人聞。竹暝書沾露，松涼鶴卧雲。
 詩題寧自覓，諫草不勞焚。野性無拘束，漂鷗鷺群。
 厭俗發清嘯，候山歌遠遊。香醪真得趣，快覓醉鄉侯。
 濯足檉林下，微波起夕瀾。風花非故態，水木有華姿。
 渚近盟鷗熟，苔深鶴步遲。懸知幽興在，細和杜陵詩。
 春去應無賴，幽人思若何。捲簾清事集，掃徑綠陰多。
 江吏初荷芰，山翁葺薜蘿。都成方外友，琴飲日相過。
 夏木繁陰合，全勝花事幽。黃塵隨野馬，白髮映沙漚。
 謾成

寄僧

道價比連城，歸來白業精。經繡初譯語，花雨未知名。
 一榻分雲卧，孤吟共月行。石湖秋水淨，應負滙盟。

挽沈處士二首 處士与余生同年月

東老存遺澤，嗟嗟植德門。烝嘗傳累世，堂構有諸孫。
 春斷華胥夢，寒招白下魂。歸來玄宅靜，宰木翳丘原。
 文游踰二紀，相對兩成翁。死嘆幽明異，生嗟歲月同。
 淚沾黃鞠雨，魂斷白楊楓。臨穴悲先逝，人生各有終。

賞百合一名佛手妒

淺碧染天葩，檀心帶露華。靈根攢百合，奇樹長三花。
 香暖金爐重，風輕翠袂斜。東家何好事，招我醉流霞。
 謝人惠蟬翼菊

千絲製為扇，入手愛還猜。蟬翼驚初蛻，鮫綃不易裁。
 久無清事及，忽送好風來。汨汨炎埃裏，幽懷賴爾開。
 謝紫九成惠扇九成隔歲為余製扇今始遣

至次前韻

秋暑猶堪畏，招搖亦快哉。清風自然至，明月不須猜。
 歷夏渾如棄，經年却寄來。收藏知有意，篋笥為余開。

次盧次農番別韻

農也何清絕，詩材如蛻蟬。經時一見面，相對兩忘年。
 沐髮風連櫺，持盃月在天。如何待明發，歸思即超然。
 與子最知己，況當衰莫年。青山曾有約，白髮竟誰憐。
 別緒風前柳，歸舟水上天。老夫今七十一，見一茫然。

謝僧持守成惠園樹

馬二

九

貽我樹聊實，丹砂顆顆新。也知勞採摘，何以食芳辛。
 服食於身健，烹魚愧食貧。題詩謝蕃衍，羞說泗園人。

遊泗洲寺

幽尋林壑間，春暝護禪關。到寺過眉杖，開門對面山。
 鐙傳清畫永，僧與白雲閒。欲覓泗洲老，高風誰可攀。

贈泗洲方丈薰公次前韻

開士僧中彥，繡經畫掩關。禪心秋水觀，詩景夕陽山。
 鶴下松雲破，鹿眠苔迳閑。老尋棲息地，看意欲追攀。

謝別薰公

下榻雲房靜，老禪情更真。塵中無此境，方外有斯人。
 舊酒傾前臘，新茶薦早春。題詩番別意，從此往來頻。
 臨別飲予以乳酒舟中賦此以寓餘意

乳酒澆寒色山翁興味真詩成已醉客愁失未歸人
鷗鳥舟前夢梅花雪後春未能酬別意先遣小奚頻

又次韵貽薰公

交游嗟太晚多尔獨清真青眼得良友白頭無故人
山林初負約風雨半消春物色渾如許何煩賦詠頻

浪跡

浪跡知何住風前看落花黃塵消履齒白髮散巾紗
豈謂貧非福那知客是家香醪亦何物持此寄生涯

客無錫郭氏曰晚步聞兩岸書聲賦此寄馮

伯平 其地蠡南蠡北

道鄉遺澤在此地足堪棲桑麥連村綠絃歌比屋齊
目過蠡南北絕侶讓東西近得同袍友書堂共一溪

穀雨霜

戊寅三月廿七日

積陰連晦朔薄冷透衣裳不漲桃花水偏愁穀雨霜
桑稀蚕未巧麥短堆難藏久有雲霓望霸人候歲康

旅食

旅食驚時邁鄉心入夢頻一貧無長物兩月有餘春
酒薄可留客金多能誤身飛花与落絮風雨總成塵

送鄧惟一之青州從軍

落日臨江鞍齊山馬上看月圓弓勢滿星動劍光寒
政以從軍樂休嗟行路難題詩尉離索千里勸加餐

村居

邨遙接湖濬幽栖喜俗淳居貧長類拙殺禮慣成真
短策勝童子清風如故人鄰翁不識字疑是葛天民

謝僧演正宗惠荆溪墨

惠我荆溪墨玄霜萬杵餘龍香沾几格兔穎註虫魚
款識宜琴樣精神勝漆書老夫那得此乞與玉蟾蜍

謝門生寄新杭

白露香杭熟盈筐也自奇搗霜鳴夜杵浙玉具晨炊
精鑿勝菰米新鮮鄮肉糜知渠念衰老汲汲送蒨茨

中秋獨坐對月

最明今夜月方省是中秋曆日何曾檢飽尊謬自謀
天旋星北拱節去水東流寐寤孤吟裏姮娥笑白頭

嘗新米憶大泗漕故園

卜築長洲外空懷泗漕濱喪家思老僕習俗問比鄰
感舊悲時邁嘗新尉食貧素食知黍稷不是力田人

漫興二首

此鄉堪寄跡市遠絕囂塵歎歲忘艱食貧家得善隣
詩窮愁壓卷酒醒老隨人客至容疎嬾相親為我真
九日可無酒空悲節序新不疑梧有影却怪甕生塵
紅葉翻如醉黃花也笑人那知陶處士閒看黑紗巾

題鼎首座水木清華軒

虛閣臨無地軒窗面幽談經且揮塵洗鉢不驚漚
水鑑天光合珠林露氣浮塵中無此境一到一遲留

題僧昇性常二軒

瞻綠

捲簾凝秀色微倚散煩襟湘渚秋雲薄淇園春水深
碧陰連寶樹清露濕瑤琴還有羊求輩時來聽鳳吟